

Muestra di intimidacion politico

Borchi campaña riba entrada unda entrega di lista a tuma lugar



ORANJESTAD (AAN) Mayoría hende cu a bay ayera na Club Havana pa presencia entrega di lista di partidonan politico, a keda masha asombra di un banda y di otro banda a keda hopi disgusta, ora nan a wak e borchí di campaña politico di Edison Briesen riba e entrada di Club Havana.

Un lugar unda entrega oficial di lista di partidonan politico pa e siguiente eleccion, mester ta un lugar independiente, pero e gobierno di MEP ta demostra un biaha mas na pueblo cu nan por te hasta mishi cu e integridad di nos sistema electoral, door di pone borchí di campaña politico na un lugar cu mester ta independiente di cualkier color politico.

Riba e borchí tin poni Edison Briesen number 7 y pa turismo el a haya number 1.

Mester remarca cu pa gramatica Edison Briesen ta haya un 1 pasobra e como ministro di turismo no por a, ni percura pa e palabra 'turismo' a wordo skirbi bon riba e borchí cu e mes a laga pone na entrada di Club Havana.

Pa lóke ta trata turismo mes, Edison Briesen no por gaba nada di un maneho berdadero cu e como ministro a hiba pa turismo di Aruba durante e ultimo 4 añanan pasobra desaroyonan mundial a pone cu pa hopi suerte turismo di Aruba no a cay.

Pa lóke ta trata e lugar Club Havana mes awor pa tur hende ta bon bisto ta di con gobierno a percura pa entrega di lista di partidonan a tuma lugar na Club Havana pasobra e borchí di Edison Briesen riba e entrada ta muestra bon cla cu gobierno di MEP ta bon liga cu e doño di Club Havana; mas claro no

canta un gallo.

Mientras Booshi Wever ta tilda companianan di Eduardo de Veer di ta mete den politica, su colega Edison Briesen ta muestra pueblo en general ayera cu e ta meti cu e

doño di Club Havana.

Ta di lamenta cu un lugar turistico manera Club Havana ta presta su mes pa metanan politico y ta kico pueblo por spera mayan; cu hotelnan grandi tambe ta bay

pone borchí di partidonan politico na entrada di nan hotel?

Politica di intimidacion y muestra di abuso di poder a yega na su nivel mas baho den historia di pais Aruba cu MEP den gobierno.

Palabranan humiyante den direccion di tur otro partido

Nel Oduber a insulta tur politico

ORANJESTAD (AAN) Ayera atardi ora cu Nel Oduber lider di MEP a wordo pidi pa su opinion encunto e cantidad grandi di partidonan cu a haci entrega di nan lista pa eleccion, Nel a bolbe bay den lodo door di bay lastra tur politico cu no ta forma parti di su partido.

Prome cu Nel a haci e declaracion descabeya y completamente for di sla, e mes a pidi pa medianan di comunicacion no permiti ningun politico lastra otro po-

litico, pero ni un seconde despues e mes a haci bofon di tur otro partido politico y a trata na humiya tur otro politico cu no ta MEP.

Partido OLA, RED, AVP, Democracia Real, MPA, MSA, Aliansa y Sunum Bonoom tur ta partidonan di hendenan mediocre segun e forma con Nel Oduber a expresa su mes un biaha mas ayera.

Lóke Nel Oduber a haci ayera tabata otro muestra bibo di su arrogancia cu dia pa dia ta birando mas grandi y e

ta muestra pueblo bon cla cu ni e mes, ni su coleganan di partido no por cu poder gubernamental.

E cantidad di asientonan cu MEP a haya biaha pasa a pone cu Nel y consorcio a kere cu e stoel den Bestuurskantoor y parlamento a bira propiedad di partido MEP y cu e lider di MEP por bay asina leu di cuestiona publicamente tur partido politico pa despues kere di por bay pidi tur hende pa hiba un campaña politico limpi.


COSNAN STRAÑO!!



BEST DEAL
PARADERA

BEST SHOPPING DEAL
TURIBANA PLAZA

LAS AMERICAS
PARIBA DI BURGER KING
(Caya Grandi)



Super Special Prijs!

Maletin pa School
Antes: 45,=
Awor: 25,= so!!!

Ey awe
sweet l
bounce
lancer.
Angelle
e pasa,
Hopi at
y mami
famia H
Hopi p
amiga y
Marvin
tambe A
and Enj

Awe ta
Grandp
yiunan,
do John

Mañan
di vida
haya l
mama,
especial
tur sus

TE

Dis
Jer
mu
de
ca